

Namołwa němskich biskopow k swětowej misionскеj njedźeli 2024

Lube sotry a lubi bratřa,

27. oktobra wopominamy w Němskej njedźelu swětoweho misionstwa. Wona steji pod hesłom „Moja nadźija je w tebi.“ (Ps 39,8). Z tutym wuprajenjom z Psalma 39 hodži so tež zakładne nastajenje mnohich žonow na pacifiskich kupach wopisować. Wone wědža, zo Bóh jich njese, a tak móža so – najebać mnohe problemy wšědneho žiwjenja a systematiskeho wrócostajenja – połne nadźije w cyrkwinskim a towaršnostnym žiwjenju angažować.

K njedźeli swětoweho misionstwa předstaja nam pomocny skutk Missio jednotliwe žony z woneho regiona, kotrež ze swojeje wěry na mnohe wobćežowace wužadanja w swoim žiwjenju wotmołwjeja. Tak přewjeduja na přikład kursy alfabetizowanja, posrědkuja zakładnu medicinsku wědu a druhim žonam wujasnjeja, kotre jich prawamaja. Žonam a džěćom, z kotrymiž su hroznje zachadźeli, skićeja škit w tak mjenowanych „Safe Houses“ (wěste domy). Dary, kotrež so njedźelu swětowemu misionstwu nahromadža, wužija so za misionariske iniciatiwy. Wone su konkretna pomoc ludžom, kotřiž su we wěrje zakorjenjeni a so za druhich zasadžeja. Prosimy Was: Podpěrujće naše sotry a našich bratrow, z tym zo so za nje zajimujće, za nje so modliće a je z wulkomyślnym darom při zběrce přichodnu njedźelu swětoweho misionstwa spěchujeće. Za to so Wam wutrobnje džakujemy!

Augsburg, 22. februara 2024

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop

Tale namołwa ma so njedźelu, 20. oktobra 2024, na wšěch Božich službach (tež na předwječoru) přednjesć a we wosadach nimo toho tež po druhich přihódnych pučach wozjewić. Zběrka swětowu misionsku njedźelu, 27. oktobra 2024, je bjezwuwzačnje za bamžowskej skutkaj Missio w Aachenje a Mnichowje postajena.